



चिया बेचके पहाड खर्च जुटेटी पुष्पा

सञ्चार क्षेत्र बलार बनेना प्रदेश सरकार प्रतिबद्ध बा: मुख्यमन्त्री शाह



पहुरा समाचारदाता

धनगढी, १ अगहन । “डाडु/काका करिया चिया पिडेहे परल,” प्रायः अइसीक विनम्रतापूर्वक आग्रह कैटी करिया चिया बेचटी नंगना पुष्पा जोशीके अचेल दैनिकी बनल बा । हाठमे चिया ढारल थर्मस ओ गिलास बोकेके साँभसकार धनगढीके गुरहीचोक (क्याम्पस रोड) क्षेत्रमे उहाँ

डेखजैटी । बभाडके पुष्पा धनगढीमे आपन शैक्षिक खर्च अपनहे जोहो करक लाग घुस्टी चिया बेचे लागल हुइटी । “मै कैके खैटु ओ आपन पहाड खर्च अपनहे बेहोरम कहिके चिया बेचना काम करले लागल हुइटु,” गुरहीचोकमे सक्करही भेटल उहाँ कहली, “जब महिन दुःख हुइ, तब किल पैसाके महत्व बुझे सेकम ।”

कैलाली बहुमुखी क्याम्पसमे बिबिएस पहिल बरसमे अध्ययनरत पुष्पा धनगढीमे भौजीकसँग बैठके साँभसकार चिया बेचना काम करटी रहल बटी । यी काम करेबर घरपरिवार केको फोन चित्त नैडुखल उहाँके कहाइ रहल बा । चारबसे बिबिएस अध्ययन करक लाग जम्मा २८ हजार रुपियाँ खर्च

हुइना करट । ओटरा पैसा चिया बेचके अपनहे जुटेना लक्ष्यके साथ काम करल उहाँ उल्लेख करली ।

“अब्बे टे काम सुरु करल भर्खरे हुइल बा,” मुस्कुरैटी उहाँ कहली, “मने अटरा पैसाके जोहो करे सेकम । मोर पहाड खर्च अपनहे जुटेम, ताकि पहाडक लाग अटरा ढेर खर्च करे परल कहिके अभिभावकके गुनासो सुने नपरे ।”

चियाके लाग सुकमेलेके दुर, अदुवा, ल्वाड, काली मरिच, चियापत्ती, चिनी खरिद करक लाग अभिभावकसँग पैसा नैमागल उहाँ बटैली । आपन बचाके राखल पैसासे सामान खरिद कैके चिया व्यापार करे लागल उल्लेख करली । “कमाके पाछे बभाडमे रहल डाइहे घरखर्च ओ दुई भैयाबहिनीयाके शैक्षिक खर्चके लाग फेन पठैना योजना बा,” उहाँ कहली ।

पुष्पाके बाबा भारतमे काम कैटी आइल बटै । बर्की ओ छुटकी डाइक पाँच सन्तान बटै । पाँच सन्तानहे पहाडक लाग बाबाहे समस्या पर्ना हुइल ओरसे आपन शैक्षिक खर्च अपनहे जुटेना निर्णयमे पुगल पुष्पा उल्लेख करली । उहाँ प्रतिगिलास १५ रुपियाँमे चिया बिक्री करटी ।



पहुरा समाचारदाता

धनगढी, १ अगहन । सुदूरपश्चिम प्रदेशके मुख्यमन्त्री कमल बहादुर शाह सुदूरपश्चिम प्रदेशके सञ्चार क्षेत्र बलार बनेना प्रदेश सरकार प्रयत्नशील रहल बटैले बटै ।

पत्रकार महासंघ सुदूरपश्चिम प्रदेशके सहकार्य ओ सुदूरपश्चिम प्रदेश अनुसन्धान तथा प्रशिक्षण प्रतिष्ठानके आयोजनामे धनगढीमे सुरु हुइल सार्वजनिक उत्तरदायित्व प्रवर्द्धनके लाग एफ.एम. रेडियोकर्मीहुकनहे असल अभ्यास सम्बन्धी अनुशिक्षण कार्यक्रममे मुख्यमन्त्री शाह सञ्चारकर्मी ओ सञ्चार क्षेत्रके संरक्षण ओ प्रवर्द्धनमे प्रदेश सरकार प्रतिबद्ध रहल बटैले । ‘सञ्चार माध्यमसे

सामाजिक सञ्जाल बलार हुइटी गैल गुनासो अइटी रहल बा, उ मजा नैहो प्रदेश सरकार यहाँके सञ्चार क्षेत्र ओ सञ्चारकर्मी बलार हुइल हेरे चाहठ,’ मुख्यमन्त्री शाह कहलै, ‘विश्वसनीय भरपदों ओ बलार सञ्चार क्षेत्र बनेना हम्रे प्रतिबद्ध बटी ।’

सञ्चारकर्मीहे प्रोत्साहित करटी उहाँ मुलुक जोगैना दायित्व अपने हमार काँधमे रहल बटैटी मिडियाके संरक्षक ओ संवर्द्धनमे राज्यसे अभिन ढेर कैना बाँकी रहल मुख्यमन्त्री शाहके कहाई रहे । आम सञ्चार नीतिके अन्तिम छलफल जारी रहल उहा बटैले । गैल वर्षके विनियोजन विधेयकमे उपभोक्ता समितिसे कौनोफे योजना (बाँकी ४ पेजमे)

धान खरिद रुकलपाछे मारमे किसान



पहुरा समाचारदाता

धनगढी, १ अगहन । खाद्य व्यवस्था तथा व्यापार कम्पनीसे धान खरिदके कोटा ओराइल कहटी प्रक्रिया रोक डेहलपाछे कैलालीके हजारौँ किसान अब्बे धान बिक्रीके लाग अलपत्र परल बटै ।

पाँच-पाँच दिनसम लाइन बैठके सरकारी मूल्यमे धान बेचना आशामे खरिद केन्द्र पुगल किसान कोटा ओराइल सूचना पाइलपाछे निराश हुइटी खाली हाठ लौटना बाध्य हुइल बटै । सुदूरपश्चिमके प्रमुख अन्न भण्डारण क्षेत्र मानजैना कैलाली यी बरस फेन उच्च धान उत्पादन हुइल जिल्लाके रूपमे आधे बा । मने, कम्पनीसे जिल्लाके लाग निर्धारण करल ३५ हजार क्विन्टलके धान खरिद कोटा अत्यन्त न्यून रहल

किसानहुकनके गुनासो रहल बा । कात्तिक १२ गतेसे धान खरिद सुरु हुइलेसे फेन भिड बहटी गैलपाछे दस दिनमे कोटा ओराइल सूचना जारी करगैल ।

गोदावरी नगरपालिका-६ के किसान किमलाल चौधरी ओ धनगढी-११ के किसान तोला राना लगायतके किसान सरकारके ढिला प्रक्रिया ओ अपर्याप्त कोटासे अपनेहुके बरवार संकटमे परल बटैले । व्यापारीहुके २ हजार ५५० से २ हजार ६ सय रुपैयाँ मूल्य किल प्रस्ताव करटी रहल बटै । मने सरकारी खरिद मूल्य प्रतिक्विन्टल ३ हजार ४६३ रुपैयाँ ८१ पैसा रहल ओरसे किसान व्यापारीन ठन बेचना तयार नैहुइल । कोटा ओराइलपाछे व्यापारी समेत ‘अब धान नैकिना’ चेतावनी डेहे लागलपाछे किसान थप अन्योलमे परल

बटै । “व्यापारीनके मूल्य बहुत कम बावै । सरकारी केन्द्रमे बेचक लाग लाइन लागल रही, मने १० दिनमे खरिद बन्द करगैल । अब्बे धान बेचे नैसेकजाइ कि कहिके चिन्तित बटी,” किसान तोला राना कहलै ।

खाद्य व्यवस्था तथा व्यापार कम्पनीके प्रादेशिक कार्यालयसे ‘थप धान खरिद करे नैसेवना’ कहटी किसानहे धान नैलान्ना सार्वजनिक सूचना जारी करले बा । मने सूचना जारी हुइलेसे फेन टीकापुर, सत्ती, भजनी, जोशीपुर, गौरीगंगा ओ मोहनपुरके खरिद केन्द्रमे किसानहुकनके भीड यथावत् रहल बा । प्रादेशिक प्रमुख दीपक थापाके अनुसार कैलालीके लाग निर्धारण करल ३५ हजार क्विन्टल धान खरिदके कुपन गत शुक्रसम वितरण हुइल जनाइल बा । “हाल थप बजेट उपलब्ध नैरहल ओरसे कोटा विस्तार करे सेकजैना अवस्था नैहो । केन्द्रसँग निरन्तर समन्वय हुइटी रहल बा,” थापा कहलै ।

यी बरस सरकार नै धान खरिदके लाग आवश्यकीय बजेट न्यून उपलब्ध कराइल ओरसे कैलालीसहित ढेर जिल्लामे धान खरिद प्रभावित हुइल बा । यद्यपि देशभरके सबसे ढेर कोटा कैलालीमे रलेसे फेन किसानके आधा उत्पादनसमेत खरिद हुइ नैसेकके हजारौँ किसान धान बेचना अन्योलमे पुगल बटै । अब सरकारसे हाली पहल कैके अतिरिक्त बजेट ओ कोटा उपलब्ध नैकरैलेसे किसान पुनः व्यापारीके हाठमे परके बजार मूल्यसे कम भाउमे धान बेच बाध्य हुइना अवस्था रहल बा ।

पेट, छाती, मुटु तथा थाईराइड विभाग

उपचार हुने रोगहरु

- उच्च रक्तचाप, दम तथा मुटु रोगको उपचार
- सुगर (मधुमेह), थाईराइड रोगको उपचार तथा परामर्श
- मिर्गी रोग, प्यारालाइसिस (पक्षाघात) तथा अन्य नशा सम्बन्धी रोगको उपचार
- छाती दुख्ने, पेट दुख्ने समस्याको उपचार
- ज्वरो आउने, टाउको दुख्ने तथा पुरानो जटिल रोगको उपचार तथा परामर्श
- सिकल सेलरोग तथा अन्य रगत कम (Anemia) को उपचार तथा परामर्श

२४ सै घण्टा आकस्मिक उपचार

ओ.पि.डी. सेवा प्रत्येक दिन (बिहान ८ देखि साँझ ५ बजेसम्म)



डा. सुमन चौधरी

MBBS, MD (KU)
NMC No. 15308

कन्सल्टेन्ट फिजिसियन



धनगढी

संजिवनी अस्पताल प्रा. लि.

९ (राष्ट्र बैंक चौक, धनगढी-५) ☎ सम्पर्क नं. ०९१-५९०३२८, ९७६४२९७२७, ९७६९९३२१०५

स्माईल चौधरीसे प्रकाशित

सठपाढक : प्रेम चौधरी (९८४८४२२२०७)

कार्यकारी सठपाढक : राम दहित (९८४८४९४४१८)

आषा सल्लाहकार : दिलबहादुर चौधरी

पहुडा सठपाढक : कृष्णराज सर्वहारी

कागुली सल्लाहकार : अधिवक्ता जोहारीलाल चौधरी

व्यवस्थापन सल्लाहकार : राजकुमार चौधरी

प्रधान कार्यालय: धन.पा.- ८, शिवनगर, कैलाली (नमस्ते सहकारी भवन)

मसुरिया शाखा: दिनेश दहित (९८२६४१६०१)

हसुलिया शाखा: नरेन्द्र चौधरी (९८४८५४३०३६)

पहलमानपुर शाखा: जीवन चौधरी (९८४७५०१८८७/९८२५६२९३०५)

प्रधान कार्यालय धनगढी

E-mail: dailypahura@gmail.com,

Website: pahura.com

मुद्रक : समेजी अफसेट प्रेस, बेहडी, धनगढी

बूढीगंगा जलविद्युत् आयोजना ईपीसी मोडेलमे निर्माण हुइना

पहुरा समाचारदाता
धनगढी, १ अगहन । बूढीगंगा जलविद्युत् आयोजना ईपीसी मोडेलमे निर्माण कैना हुइल बा ।
तीन दशकसे चर्चामे रहल २० मेगावाट क्षमताके आयोजना सरकारके २०, साउदी फन्ड फर अरब डेभलपमेन्ट ओ कुवेत फन्ड फर अरब इकोनमिक डेभलपमेन्टके ८० प्रतिशत ऋण लगानीमे निर्माण कैना हुइल हो ।
जेकर लाग भदौ २९ गते इन्जिनियरिङ, खरिद ओ निर्माण ईपीसी मोडेलमे आयोजनाके ठेक्का सम्झौता हुइल बा । उहीसे आघे टमान कारणसे तीनचोसम ठेक्का रद्द हुइल रहे । अब्बे चौठाचो ठेक्का चिनियाँ कम्पनी सुपर पावर इन्जिनियरिङ कन्स्ट्रक्सन ओ नेपाली कम्पनी बानियाँ निर्माण सेवा प्रालि मकवानपुर बीच सम्झौता हुइल हो । विभागसे निर्माण फेर लागल यी शतप्रतिशत सरकारी जलविद्युत् आयोजना हो ।
ठेकेदारसे आयोजना डिजाइनसे निर्माणसमके सम्पूर्ण जिम्मेवारी लेहल बूढीगंगा जलविद्युत् आयोजना प्रमुख

सुरेन्द्र धिमिरे बटैलै । डनु कम्पनीसे ४२ महिनाभिट्टर आयोजना पूरा कैना लक्ष्य राखल ओहकान कहाइ रहल बा । ‘ईपीसी मोडेलमे सम्झौता हुइल ओरसे आब समयावधि विस्तारके बहाना डेखाइ नैमिली,’ उहाँ कहलै, ‘यी मोडेलमे काम हाली हुइ ।’
ईपीसी सम्झौता अनुसार ठेकेदारसे डिजाइन इन्जिनियरिङ, सामग्री खरिद प्रोक्थोरमेन्ट ओ निर्माण ९कन्स्ट्रक्सन सहित आयोजनाके पूर्ण जिम्मेवारी बहन कैना बा । ठेकेदारसे ४२ महिनाभिट्टर आयोजना पूरा कैना, गुणास्तर कायम रखना ओ लागत नियन्त्रित रखना सुनिश्चितता डेना बा । ‘ईपीसी मोडेलसे समानान्तर रूपमे काम आघे बहैना सुविधा डेह्ठ ।’
ड्याम ओ पावरहाउस निर्माण हुइटी रहल बेला उपकरण खरिद, जुडान ओ परीक्षण फेन सञ्चालन हुइना बावै,’ आयोजना प्रमुख धिमिरे कहलै, ‘इहीसे परियोजनाके समय बचत करू । जोखिम घटाइठ्ठ ओ ठेकेदारसे ढिला कैना बा लागत वृद्धि कैना बहाना कम हुइइ ।’

संधियारको नाममा जारी १५ दिने सूचना

यस उपमहानगरपालिकाको वडा नम्बर ३ बोराडाडी कित्ता नं. १०३८ क्षेत्रफल १५२.३८ वर्गमिटरमा भवन निर्माण गर्ने घरधनी श्री बसन्तबहादुर थापाले यस उमनपामा पेश गरेको नक्सा बमोजिमको भवन निर्माण गर्न संधियारको नाममा सूचना प्रकाशित गरिएको छ । निवेदन साथ पेश हुन आएको प्रमाण र नक्साको आधारमा निर्माण स्वीकृति दिँदा तपार्को जग्गाको हानिनोक्सानी हुन्छ, हुँदैन, सन्धि सर्पन हानिनोक्सानी हुने भए यो सूचना प्रकाशित भएको मितिले १५ दिनभित्र सबूत प्रमाणसहित नगरपालिकामा उजुर गर्न सूचित गरिन्छ । अन्यथा कानून बमोजिम नक्सापास भै जाने व्यहोरा सम्बन्धित सबैको जानकारीको लागि अनुरोध छ ।

१. निर्माण निमित्त प्रस्तावित जग्गाको चार किल्लाको विवरण

पुर्व: टेकबहादुर खड्का पश्चिम: सडक

उत्तर: जयेन्द्र सौवार दक्षिण: केशव भट्ट

धनगढी उपमहानगरपालिका

नगर कार्यपालिकाको कार्यालय, धनगढी, कैलाली

डिवश ड्राईभिङ सेन्टर

दक्ष चालक बना सक्नु सैद्धान्तिक तथा व्यवहारिक ज्ञान देना प्रयास हमार, सफलता अपनैके ।

रीप सिक्की, स्वरोजगार बनी विद्यार्थी ओ गुणमे अउईयाहुकनहे विशेष छुटसहित...

हमार यहाँ दक्ष प्रशिक्षकहरुनसे मोटर साईकल, स्कुटी, कार, जीप ग्यारन्टीके साथ ड्राईभिङ सिखैनाके साथे फोटोग्राफीके सुविधा समेत उपलब्ध बा ।

नोट: साथे दुरसे अउईया विद्यार्थीनके लाग बैट्ना व्यवस्था समेत उपलब्ध बा । समयमे सक्नु तिकार विद्यार्थीहुकनहे सम्पर्क कैना सहर्ष जानकारी कराइटी ।

धनगढी, चटकपुर कैलाली फोन. ०९१-४१०२३७ मो.९८४८४३९६८५

पाठकवर्गसे अनुरोध

पिय पाठकवर्ग, पहुरा मिडिया प्रालिसे सन्चालित पहुरा दैनिक ओ पहुरा अनलाइनमे हमार सकेसम थारुपन लन्ना कोशिश जारी बा । विचार पेजमे थारु लगायट अन्य जनजातिनके आवाज हमार पहिला प्राथमिकता हो । अपन मनेम लागल उकुसमुकुस बाट अपनैनेके फे लिख्के पठाइ सेकिठ । अपनेक विचार लम्मा हुइ परठ कना नइ हो । आइ कलम पक्ति, अपन मनक बाट ढेरसे ढेन जनहन बाँटि । पहुरा अनलाइनमार्फत अपन बाट संसार भर पुगाइ ।

-सम्पादक

साबुन पानीसे मिसमिस हात धुइलेसे हेग्नीपोक्नी ओ अन्य सरुवा रोगसे बँचे सेक्जाईट् ।

निर्वाचनमे नैतिक प्रतिस्पर्धा

नेपालमे डेखाइल शासकीय विकृति विसंगतिप्रति असन्तुष्ट नेपाली जनताके प्रतिनिधित्व करटि जेनजीसे करल दुई दिने आन्दोलनके कारण तत्कालीन सरकार तथा संसद् विघटन होके नयाँ सरकार बनल पाछे फेन दुई महिना पूरा हुइल बा । आगामी फागुन २१ गते प्रतिनिधि सभा सदस्य निर्वाचनके मिति तोकल बा । आन्दोलनके मर्म ओ भावना अनुरूप यी चोके निर्वाचन स्वतन्त्र, स्वच्छ, निष्पक्ष ओ भयमुक्त तवरसे सम्पन्न हुइ परठ कना आवाज निर्वाचन सरोकारवाला सबके रहल बा ।

निर्वाचन लोकतन्त्रके आत्मा हो । निर्वाचनमार्फत जनतासे अपन प्रतिनिधि छनोट कैके शासन प्रणालीहे वैधानिकता प्रदान करठै । निर्वाचनके वास्तविक उद्देश्य केवल सत्तामे पुगना किल नैहोके जनसेवा ओ उत्तरदायी शासन प्रणाली स्थापित करना हो । निर्वाचन सेवा ओ नैतिक प्रतिस्पर्धामे आधारित हुइ परठ कना विश्वव्यापी मान्यता बा । नैतिक प्रतिस्पर्धासे उम्मेदवार ओ राजनीतिक दल आचरण, मूल्य ओ सिद्धान्तमे आधारित होके चुनावमे भाग लेहे परठ कना मान्यता रहठ । दल तथा उम्मेदवारसे जनताके समस्या बुझके समाधानके लाग योजना प्रस्तुत कैके जनताके सेवकके रूपमे अपनहे साबित करेपरना रहठ । निर्वाचनमे जित्ना वा विजयी हुइना कलेक शासनमे पुगना साधन किल हो । साध्य अर्थात् अन्तिम उद्देश्य कलेक जनता ओ राष्ट्रके सेवा करना हो । यसर्थ सच्चा जनप्रतिनिधिसे सत्ताहे सेवा करना माध्यमके रूपमे मानेपरना मान्यता रहल रहठ । निर्वाचित प्रतिनिधिसे नागरिकके आवश्यकता, अधिकार ओ विकासके प्राथमिकतामे आधारित नीति बनाके कार्यान्वयन करेपरना रहठ । निर्वाचनसे सेवामुखी शासनपद्धति सुनिश्चित ओ स्थापित करेपरना मान्यता बा ।

नैतिकता लोकतन्त्रके मेरुदण्ड रहल ओरसे निर्वाचनमे स्वच्छ प्रतिस्पर्धा हुइपरना रहठ । नैतिकताहे निष्पक्ष निर्वाचनके मूल आत्मा मानजाइठ । निर्वाचनमे सदाचार ओ सहिष्णुतामे आधारित प्रतिस्पर्धा कायम होके दल तथा उम्मेदवारसे अपन विचार, योजना ओ कार्यक्षमताके आधारमे प्रतिस्पर्धा करे परठ ।
विश्वके कुछ देशमे हुइल निर्वाचन हेरलेसे अपेक्षाकृत रूपमे उच्च स्तरके नैतिकता, पारदर्शिता ओ जनसेवाके भावसहित सञ्चालन हुइटी आइल पाजाइठ । स्विडेन अपन देशके निर्वाचन प्रक्रियामे निष्ठा (इलेक्ट्रोल इन्टिग्रिटी) सुनिश्चित करना समग्र संरचना बनाइल बा । इलेक्ट्रोल इन्टिग्रिटी प्रोजेक्टके अध्ययन अनुसार स्विडेनसे विदेशी हस्तक्षेप रोक्न, सूचनाके विकृति ओ साइबर आक्रमणके जोखिमके सामना करना राष्ट्रिय, क्षेत्रीय ओ स्थानीय स्तरमे निर्वाचन सुरक्षा सञ्जाल (इलेक्सन प्रोटेक्सन नेटवर्क) स्थापना करल पाजाइठ । निर्वाचनमे निष्ठा कायम करना तथा नैतिक प्रतिस्पर्धा करना देशमे स्विडेन शीर्षस्थानमे रहल बा । स्विडेनहे

निर्वाचन सेवा ओ नैतिक प्रतिस्पर्धाके दृष्टिसे सकारात्मक उदाहरण माने सेक्जाइ । अस्टेक डेनमार्कसमेत विश्वमे उच्चतम स्तरके स्वच्छ, निष्पक्ष चुनाव करना देश मध्येमे परठ । अस्ट्रिया, स्विट्जरल्यान्ड, इजरायल, स्लोभेनिया लगायतके देशमे निर्वाचनमे उच्च नागरिक सहभागिता, सञ्चार माध्यमके सत्यतथ्य ओ निष्पक्ष भूमिका ओ नागरिकके सार्वजनिक विश्वास जस्टे पूर्वसर्तसे उ देशमे हुइना निर्वाचनमे नैतिक प्रतिस्पर्धा होके मजारीसँग सञ्चालन हुइल पाजाइठ । खास कैके चुनावी वातावरणमे सामान्यत उच्च स्तरके निष्पक्षता ओ पारदर्शिता कायम हुएल ओरसे उ देशमे नागरिकहे विवेक प्रयोग कैके योग्य ओ सक्षम उम्मेदवारहे प्रतिस्पर्धात्मक रूपमे मत डेना मौका मिलल रहठ ।

आगामी निर्वाचनहे सेवा ओ नैतिक प्रतिस्पर्धामे आधारित बनैना निर्वाचन आचारसंहितामे राजनीतिक दल तथा उम्मेदवारसे निर्वाचन घोषणापत्र बनाके सार्वजनिक करेपरना प्रावधान करना आवश्यक बा । निर्वाचन आचारसंहितामे दल वा उम्मेदवारसे निर्वाचन घोषणापत्र सार्वजनिक कैके ओकर आधारमे प्रचारप्रसार करेपरना प्रावधान रहेपरना ओ उ निर्वाचन घोषणापत्र दलसे आयोगमे अध्यवस्था करना आवश्यक बा । दल वा निर्वाचित होके उम्मेदवारसे निर्वाचन घोषणापत्रमे उल्लेख हुइलबमोजिमके कार्यप्रगतिके प्रतिवेदन प्रत्येक वर्ष सर्वसाधारणके जानकारीके लाग सार्वजनिक करेपरना व्यवस्था करना आवश्यक बा । यी कार्यसे निर्वाचनमे दल वा उम्मेदवारसे जनताहे भ्रममे परना एवं भ्रुट प्रचारप्रसार करना कार्यहे निरुत्साहित करटि उहाँहुकनहे जनताप्रति उत्तरदायी बनैना सहयोग पुगल बा । नीतिगत प्रतिस्पर्धा सुनिश्चित करटि दल तथा उम्मेदवारसे जा वाचा करल रहठ, ओकर कार्यान्वयनके स्थिति जनताहे पटा हुइ परठ ।

नेपालमे विगतसे टमान निर्वाचन हुइटी आइल बा । उ निर्वाचन विकृतिमुक्त हुइ सेकल नैडेखाइठ । विसं २०७९ के निर्वाचनमे दोलखा, बाजुरा, स्याङ्जासमेतके कुछ स्थानमे हुइल दल तथा उम्मेदवारके क्रियाकलाप हेरलेसे स्वच्छ ओ निष्पक्ष निर्वाचनके मूल्य मान्यताविपरीतके गतिविधि होके निर्वाचनके निष्ठाहे खलल पुगैना मेरिक गतिविधि हुइना करल पाजाइठ । निर्वाचन आचारसंहिता विपरीतके कार्य फेन हुइल पाजाइठ । मनोनयन पत्र दर्ता करना क्रममे बाजाघाजा भौकी प्रयोग हुइना करना, मन्त्री सरकारीस्रोत प्रयोग कैके प्रचारप्रसारमे गैल, दलके चिह्न अंकित टिसर्ट लगैना करना, औषधी उपचारके वाहनामे नगद रकम बाँडन करल, बाढपीडितके नाममे अपन निर्वाचन क्षेत्रमे खाद्यान्न वितरण करना, सामाजिक सञ्जालके दुरुपयोग करना, मतदाताहे फ्री टिकट ओ फ्री भिसामे विदेश पठाडेना कना भ्रममे परना करल

जैसिन गतिविधि विगतके निर्वाचनमे हुइल पाजाइठ । निर्वाचनमे पैसाके प्रभाव, सत्ता ओ शक्तिके दुरुपयोग, भ्रुट प्रचारप्रसार ओ मतदाता भड्कैना मेरिक भाषणसे निर्वाचनहे कलुषित बनाइल बा । अइसिन गतिविधिसे जनताके राजनीतिक चेतनामे निराशा नन्ना ओ लोकतान्त्रिक प्रणालीप्रति अविश्वास बहाइठ । यी अवस्थासे मुक्त हुइना हम्मे निर्वाचनमे नैतिकता एवं नैतिक प्रतिस्पर्धा पुनर्स्थापित करना अत्यावश्यक बा ।

निर्वाचनहे सेवा ओ नैतिक प्रतिस्पर्धाके रूपमे सफल बनैना सबसे पहिले उम्मेदवार ओ राजनीतिक दल नैतिक, उत्तरदायी ओ पारदर्शी हुइ परठ । उम्मेदवारसे व्यक्तिगत स्वार्थ नैहोके, जनहितहे प्राथमिकता डेहे परठ । भ्रुट प्रचारप्रसार, पैसाके दुरुपयोग ओ मतदाताहे लोभलालच डेना प्रवृत्तिहे

निरुत्साहित करना आवश्यक बा । दलसे नीतिगत रूपमे प्रतिस्पर्धा करे परठ । व्यक्तित्वमे आधारित वा केन्द्रित होके करना निर्वाचन प्रचारप्रसार एवं विद्वेषपूर्ण राजनीतिक गतिविधिहे उपेक्षा करना जरुरी बा ।
मतदाता लोकतन्त्रके शक्तिशाली आधार होके उहाँहुकनहे चेतनशील ओ विवेकपूर्ण निर्णयकर्ता बन्न प्रेरित करेपरना रहठ । दल तथा उम्मेदवारसे मतदाताहे अपन काम, नीति ओ चरित्रके आधारमे मतदान करना सिखेपरना वा प्रेरित करेपरना आवश्यकता बा । निर्वाचनके प्रचारप्रसारमे मतदाताहे लोभलालच देखाके तथा जात, धर्म वा भावनामे प्रभावित कैके नैकि, देश ओ समाजके हितके लाग मतदान करेपरना शिक्षा डेना आजके आवश्यकता हो । सञ्चार माध्यमसे समेत सत्य सूचना ओ विवेकपूर्ण बहस प्रवाह करना कार्यहे प्राथमिकतामे ढरना आवश्यक बा । नागरिक समाज ओ शिक्षालय फेन युवामे

विचार

यज्ञप्रसाद भट्टराई

नैतिक ओ राजनीतिक चेतना फैलैना कार्यमे योगदान पुगैना आवश्यक बा ।
आबके निर्वाचनमे उम्मेदवार, राजनीतिक दल ओ मतदाताहे नैतिक मूल्य ओ लोकतान्त्रिक आचरणके आधारमे प्रतिस्पर्धा करना वातावरण सिर्जना करे परठ । भ्रामक वा असत्य प्रचारप्रसार, पैसाके दुरुपयोग, धम्की, हिंसा वा जातीय धार्मिक विभाजनके प्रयोग ओ मतदाताहे लोभलालच देखाके प्रभावित करना कार्यहे शून्य सहनशीलताके नीति अवलम्बन करे परठ । मतदाताके स्वतन्त्र निर्णयके सम्मान करटि विचार ओ कार्यक्रम तथा योजनाके आधारमे निर्वाचनमे प्रतिस्पर्धा करना बाटहे सबजे प्राथमिकतामे ढरना जरुरी बा । दल वा उम्मेदवारसे अपन योग्यता, दृष्टि ओ योजना स्पष्ट करना ओ विरोधी विचारहे शत्रु नैकि, विकल्पके रूपमे लेहल बाटहे अपनाइ परठ । अस्टेक जनतासँग करल वाचा पूरा करना प्रतिबद्ध रहना, पैसाके प्रभाव घटैना ओ दल तथा उम्मेदवारके बिच समान अवसर सुनिश्चित करना महत्वपूर्ण रहठ । व्यक्तिगत वा दलगत स्वार्थसे देश ओ जनताके हितमे बहस केन्द्रित करेपरना जैसिन विषयहे नैतिक प्रतिस्पर्धासे यिहिनहे समोदना होके अइसिन विषयहे हम्मे आत्मसात् करना आवश्यक बा । अब्बेक समयके माग फेन यिहे हो ।
आगामी निर्वाचनहे सेवा ओ नैतिक प्रतिस्पर्धामे आधारित बनैना निर्वाचन आचारसंहितामे राजनीतिक दल तथा उम्मेदवारसे निर्वाचन घोषणापत्र बनाके सार्वजनिक करेपरना प्रावधान करना आवश्यक बा । निर्वाचन आचारसंहितामे दल वा उम्मेदवारसे निर्वाचन घोषणापत्र सार्वजनिक कैके ओकर आधारमे प्रचारप्रसार करेपरना प्रावधान रहेपरना ओ उ निर्वाचन घोषणापत्र दलसे आयोगमे ओ उम्मेदवारसे सम्बन्धित निर्वाचन कार्यालयमे पेस करना व्यवस्था करना आवश्यक बा । दल वा निर्वाचित होके उम्मेदवारसे निर्वाचन घोषणापत्रमे उल्लेख हुइलबमोजिमके कार्यप्रगतिके प्रतिवेदन प्रत्येक वर्ष सर्वसाधारणके जानकारीके लाग सार्वजनिक करेपरना व्यवस्था करना आवश्यक बा ।
यी कार्यसे निर्वाचनमे दल वा उम्मेदवारसे जनताहे भ्रममे परना एवं भ्रुट प्रचारप्रसार करना कार्यहे निरुत्साहित करटि उहाँहुकनहे जनताप्रति उत्तरदायी बनैना सहयोग पुगल बा । नीतिगत प्रतिस्पर्धा सुनिश्चित करटि दल तथा उम्मेदवारसे जा वाचा करल रहठ, ओकर कार्यान्वयनके स्थिति जनताहे पटा हुइ परठ । जनप्रतिनिधिसे कत्रा वाचा पूरा करलै, कत्रा नैकरलै, उ सार्वजनिक हुइलेसे शासनमे पारदर्शिता बहाइठ ओ यिहिनसे भ्रुट वाचा तथा जनताके भावनासँग खेलबाड करना प्रवृत्ति घटाइठ । (बाँकी ३ पेजमे)

जरुरी टेलिफोनके प्रायोजक:

हमार यहाँ बोल्लर मुर्गिनके मासु सुपथ मोलमे मिलठ । सेवा कर्ना मौका अवश्य देइवी ।

नोट : भोजविहा, व्रतवधके लाग होम डेलिभरीके सुविधा ना ।

प्रो.रमेश चौधरी केभी मासु पसल

वैयावेहडी चौक, धनगढी कैलाली शारद उमावि लगे मो. ९८११६३३६८०

एम्बुलेन्स नम्वर ९८२४६८२६१७, ९८३८४३७०१८, ९८१४६०८०५६, ९८१४६८८००६८, ९८१४६६६०२८५

प्रहरी अञ्चल प्रहरी कार्यालय ०९१- ५२१३०१ जिल्ला प्रहरी कार्यालय ०९१-५२११५३०,१०० वडा प्रहरी कार्यालय ०९१-५२१२९१,११०

ईप्रका अतरीया ०९१-५५०१२२ त्रिनागर प्रहरी चौकी ०९१-५२११९८ जिल्ला प्रहरी कार्यालय ०९१-५२११५३ ईप्रका मसुरिया ०९१-४०२०१४ ईप्रका चौमाला ०९१-६९२५७१ ईप्रका लक्की ०९१-५४०१९९ ईप्रका भजनी ०९१-५८०१९९ ईप्रका सुखुखड ०९१-५२९१६६ ईप्रका मालाखेती ०९१-५४०१२२ ईप्रका फल्ठरे ०९१-६९०३३० ईप्रका हसुलिया ०९१-५२९१५४ ईप्रका पाण्डौन ९७४९०१५९०५ सिमा प्रहरी चौकी बहुलिया ०९१-५२९२०६ ईप्रका टीकापुर०९१-५६०१९९ स.प्र.वल सिमासुरक्षा धनगढी ५२६९२८ बैक नेपाल राष्ट्र बैक ०९१-२१३२२ नवजिवन बैक ०९१-५२३६५३ कृषि विकास बैक ०९१-५२९२३५ मालिका विकास बैक०९१-५२३७३८ बैक अप काठमाण्डौ ०९१-५२३२३६ बैक अफ एसिया ०९१-५२५६५०

नेपाल बलादेश बैंक ०९१-५२१७८५ सिटिजन बैंक ०९१-५२७४८५ कुमारी बैंक ०९१-५२६०३८ संनाराईज बैंक ०९१-५२४८५० नेपाल इन्वेसमेन्ट बैंक०९१-५२३७०६ एनएमबी बैंक लि.०९१-५२९२९६ सरकारी कार्यालय जिल्ला प्रशासन .०९१-५२११०१ जिल्ला विकास .०९१-५३२५६० नगरपालीका .०९१-५२१४२९ मालपोत.०९१-५२१२०१, नापी शाखा.०९१-५६०४०२ कृषि विकास .०९१-५२२२५५, भूमि सुधार.०९१-५२९२२४ जिल्ला हुनाक.०९१-५२१५२७, नेपाल बाल संगठन: ५३३६६५ अस्पताल सेती अस्पताल.०९१-५२९७७९ नवजिवन ०९१- ५२९२३३ /५२९७३३ विजय मेडिकल हल धनगढी ०९१-५२३४३५ पद्मा धनगढी ०९१-५२७३५५ सेवा नर्सिङ होम अतरीया ०९१-५५७७९७ एम्बुलेन्स मसुरिया ९७४९०१८०८९ घोडाघोडी अस्पताल सुखड०९१-६९४७०७ टीकापुर अस्पताल ०९१-५६०१५०

दमकल १०१ नेपाल रेडक्रस सोसाईटी ०९१-५२१३३३ कैलाली उ.वा.संघ ५२१३३७, ५२३९७१ एम्बुलेन्स : ५२१६०० साप्ताहिक एम्बुलेन्स सेवा टीकापुर ९८४६५४७५० विद्युत : ५२११४५ दिनेश नेटल ०९१-५२९३९२ होटल क्रिओटी ०९१-५२३९९८/५४७९३१ जगदम्बा०९१-५२३५२०, विद्या०९१-५२३७०३ तरुण ०९१-५२४६९३, सनलाईट०९१-५२९४३६ वर्ल्ड लिंक धनगढी: ५२०५५१ नागुलजा०९१-५२२८३०/५२७९०० नेपाल पत्रकार महासंघ :५२७९२२ शैक्षिक संस्था कैलाली बहुमुखी क्याम्पस ०९१-५२९२२३ सुदूरपश्चिमाञ्चल क्याम्पस ०९१-५२३९९२ ऐश्वर्य बहुमुखी क्याम्पस ०९१-५२९०७९ राजनैतिक पार्टी नेपाली कांग्रेस कार्यालय : ५२७९५४ नेकपा (एमाले) कार्यालय : ५२७९०१ बसपार्क काउन्टर धनगढी : ०९१-५२९२५२ एफ.एम दिनेश एफ एम ९३.८ मेगाहर्ट्ज धनगढी: ०९१-५२६७०१

अपराध अनुसन्धान सम्बन्धी अन्तरक्रिया

पहुरा समाचारवाता
काठमाडौं, १ अगहन । प्रहरी महानिरीक्षक दान बहादुर कार्कीले प्रमुख आतिथ्यतामा नेपाल प्रहरी प्रधान कार्यालयमा सोमबार आयोजित एक कार्यक्रमबीच अपराध अनुसन्धान सम्बन्धी एकदिवसीय अन्तरक्रिया तथा छलफल कार्यक्रम सम्पन्न हुइल बा । अपराध अनुसन्धान विभागकै ७०औं स्थापना दिवस, २०८२ के अवसरमा उ अन्तरक्रिया तथा छलफल कार्यक्रम आयोजना करल हो ।

कार्यक्रममा सम्बोधन करटी प्रहरी महानिरीक्षक कार्की यी अन्तरक्रिया कार्यक्रममा सक्नुहुनके सक्रियतापूर्ण सहभागितासे अपराध अनुसन्धान सम्बन्धी समसामयिक पक्ष, अपराधकै प्रकृति, प्रहरी क्रियाशीलता ओ प्रविधिके विधि सम्मत प्रयोग, कानून कार्यान्वयनके नवीन तौरतरिका समेतके विषयमा गहिर विचार विमर्श करके अपराध अनुसन्धानकै मूल दायित्व बोक्ल नेपाल प्रहरीहो मार्गनिर्देश कैना महत्वपूर्ण एवम् प्रभावकारी हुइना विश्वास लेहल बटैलै ।

अन्तरक्रिया तथा छलफल कार्यक्रममा समसामयिक अपराधाधिक घटनाकै अध्ययन विश्लेषणक साथे



विद्युतीय ओ आर्थिक अपराधकै घटनाकै तुलनात्मक अध्ययन विश्लेषण ओ अइना दिनमा बहे सेक्ना अपराधकै संभावित घटना विश्लेषण समेतमा गहिर छलफल हुइना अपेक्षा लेहल उहाँ बटैलै ।

उ अवसरमा प्रहरी महानिरीक्षक कार्की सामाजिक संजालकै दुरुपयोगसे सामाजिक सुरक्षा व्यवस्थामा चुनौती बढ्ती रहल उल्लेख करटी लागूऔषध दुर्व्यसन तथा कारोबार, किप्टोकरन्सी, अनलाइन गेमिङ, स्वयामिड, आत्महत्या, मानव बेचबिखन तथा ओसारपसार, आर्थिक

अपराध ओ अन्तरदेशीय प्रकृतिके जटिल तथा संगठित अपराधकै अनुसन्धानमा समेत क्षमता विकासकै ओटरे आवश्यकता रहल बटैलै ।

फैसला कार्यान्वयन ओ फरार प्रतिवादीकै खोजतलास ओ पक्राउहे प्राथमिकतामा धारकै तत्काल नतिजा अइना करके काम कैना एवम् विगतमा घटल अपराधकै घटना तथा नम्मा समयसम पेन्डिङमा रहल घटनाहो समेत प्राथमिकतामा धारकै प्रभावकारी अनुसन्धान कैना सम्बन्धित सक्नु अपराध

अनुसन्धान क्षेत्रमा कार्यरत प्रहरी कर्मचारीहो उहाँ निर्देशन समेत डेलै ।

प्रहरी महानिरीक्षक कार्की निष्पक्ष, प्रमाणमुखी एवम् वैज्ञानिक अनुसन्धानसे कानून विपरित कार्य करइयाहे कानूनी दायरामा ल्यल्ला ओ पीडितहो न्याय डेहुवाके समाजमा प्रहरी प्रतिके प्रतिष्ठा एवम् विश्वास समेत अभिवृद्धि कैना उल्लेख करटी सूचना संकलन एवम् विश्लेषण करके संभावित अपराधकै नियन्त्रण तथा घटित अपराधकै अनुसन्धान कैना ओ कानून कार्यान्वयनकै माध्यमसे कानूनी शासनकै प्रत्याभूति कैना ओरसे सक्नु प्रहरी कर्मचारीकै थप क्रियाशीलता जरूरी रहल बटैलै ।

अदालतसे सजाय तोकल कसुरदारहुके समाजमा खुलेआम नंगना अवस्था हुइलेसे समाजमा त्रासकै अवस्था सिर्जना हुइटी रहना ओ कानून कार्यान्वयनसे ओसिन अवस्थाहे अन्य कैना चर्चा करटी हालसमा हुइल असल अभ्यासकै पहिचान करके अपराध अनुसन्धानहो प्रमाणमुखी, वैज्ञानिक एवम् पारदर्शी बनैना आवश्यक रणनीति ओ कानूनी सुधारकै विषयमा समेत यी अन्तरक्रिया केन्द्रित रहे ।

नेपाल प्रहरी प्रधान कार्यालय अपराध अनुसन्धान विभागकै प्रमुख प्रहरी अतिरिक्त महानिरीक्षक सुशील सिंह राठौर धन्यवाद मन्तव्य व्यक्त करल रहिट । कार्यक्रममा अपराध अनुसन्धान विभागकै पूर्व प्रमुख एवम् अवकाश प्राप्त प्रहरी अतिरिक्त महानिरीक्षक सुरेन्द्र बहादुर शाह ओ अवकाश प्राप्त प्रहरी अतिरिक्त महानिरीक्षक अनन्तराम भट्टराई लगायतसे आ-अपन अनुभव सहितकै मन्तव्य व्यक्त करलै । प्रहरी नायव महानिरीक्षक सानुराम भट्टराई स्वागत मन्तव्य व्यक्त करल उ कार्यक्रममा प्रहरी उपरीक्षक बासुदेव पाठक विभागीय गतिविधि सम्बन्धी संक्षिप्त प्रस्तुतीकरण करल रहिट । उ अवसरमा अपराध नियन्त्रण ओ अनुसन्धानकै वर्तमान अवस्थामा, चुनौति ओ समाधानकै उपाय लगायतकै विषयमा अन्तरक्रिया तथा छलफल हुइल रहे ।

कार्यक्रममा प्रहरी अतिरिक्त महानिरीक्षक, अपराध अनुसन्धान विभागकै पूर्व प्रमुख, प्रहरी नायव महानिरीक्षक लगायत वरिष्ठ प्रहरी अधिकृतहुकनके उपस्थिति रहल रहे । कार्यक्रममा प्रहरी महानिरीक्षक कार्की अपराध अनुसन्धान विभागकै पूर्व प्रमुख एवम् अवकाश प्राप्त प्रहरी अतिरिक्त महानिरीक्षक सुरेन्द्र बहादुर शाहहो सम्मान करलै । साथे उहाँ अपराध अनुसन्धान विभागसे प्रकाशित सिआइडी म्यागजिन २०८२ के विमोचन समेत करलै ।

जम्मू-कश्मीरस्थित नौगाम प्रहरी चौकीमा विस्फोट : नौ जके मृत्यु



काठमाडौं, १ अगहन । भारतकै जम्मू कश्मीरकै श्रीनगरस्थित नौगाम प्रहरी चौकीमा विस्फोट होके मृत्यु हुइनाकै संख्या नौ पुगल बा ।

भारतीय सञ्चारमाध्यक आजतककै अनुसार विस्फोटमा परके मृत्यु हुइनाकै संख्या और बहे सेक्ना अनुमान करल बा कलेसे २९ जाने घाइल हुइल बटै । शुककै रात करिब ११:२० बजे नौगाम प्रहरी चौकीमा भारी विस्फोट हुइल हो ।

भारतीय सञ्चारमाध्यम दैनिक भारस्करकै अनुसार घाइलमध्ये अधिकांश प्रहरी रहल बटै ओ उहाँहुकनके ९२ आर्मी बेस ओ एसकेआईएमएस सौरा अस्पतालमा उपचार हुइटि बा ।

विस्फोटकै कारण मानव अवशेष मिलल आजतक जनैले बा ।

विस्फोटकै करण प्रहरी

चौकीकै भवनकै भारी भाग भस्कल बा कलेसे टमान सवारी साधनमा आगी लागल रहे ।

अधिकारीहसकनकै अनुसार, हवाईट-कलर आतंकवादी मोड्यूल केसकै सम्बन्धमा प्रहरीसे जफत करल विस्फोटक पदार्थकै नमूना लेहल बेला विस्फोट हुइल रहे । यद्यपि, विस्फोटहो आतंकवादी कोणसे फेन अनुसन्धान हुइल बा ।

स्रोतकै अनुसार, विस्फोटक पदार्थ डेटोनेटर ओ फेयुजसे ट्रिगर करल खण्डमा बा कौनो तरिकासे ट्रिगर करल खण्डमा किल विस्फोट हुइ । ओस्टेक, यी आतंकवादी आक्रमण हुइ सेकि ।

जैश-ए-मोहम्मदसँग सम्बद्ध आतंकवादी समूह पिएएफएफ आक्रमणकै जिम्मेवारी लेले बा, मने यकर पुष्टि हुइना बाँकी बा ।

श्रम तथा रोजगार कार्यालयको जनहितमा जारी सन्देश

- श्रम तथा रोजगार कार्यालयको जनहितमा जारी सन्देश
- रोजगार सम्झौता गरेर मात्रै काममा लागौ र लगाऔ ।
- औपचारिक तथा अनौपचारिक क्षेत्रका सम्पूर्ण श्रमिकको न्यूनतम ज्याला रु. १९,५५०/- अनिवार्य रूपमा कायम गरौ/गराऔ ।
- समान कामको समान ज्याला लैगिक आधारमा पारिश्रमिकमा विभेद गर्नु कानूनी अपराध हो ।
- कार्य स्थलमा श्रमिकलाई सुरक्षाका उपकरणहरू उपलब्ध गराई काममा लगाऔ, लैगिक हिंसाको अन्त्य गरौ ।
- बालश्रम कानूनी रूपमा दण्डनिय अपराध हो । बालश्रम नगरौ/नगराऔ ।
- श्रम अडिट प्रत्येक वर्षको पौष मसान्तभित्र अनिवार्य रूपमा पेश गर्नु/गराउनु उद्योग/प्रतिष्ठानको कर्तव्य हो अन्यथा नियमानुसार कारवाही गरिने छ ।
- असल श्रम सम्बन्धको आधार सामाजिक सुरक्षा र रोजगार औद्योगिक दुर्घटना न्यूनीकरण गरौ व्यवसायजन्य रोग लाग्नबाट बचौ ।
- श्रम ऐन, २०६४ र नियमावली, २०७५ को पूर्णरूपमा कार्यान्वयन गरौ ।
- वैदेशिक रोजगारीमा जाँदा अनिवार्यरूपमा श्रम स्वीकृति गरेर जाऔ ।



श्रम तथा रोजगार कार्यालय

धनगढी, कैलाली

बस्ती स्थानान्तरणकै पर्खाइमा बिच्छ्यावासी



बाजुरा, १ अगहन । बाजुराकै हिमाली गाउँपालिका-१, बिच्छ्याकै बासिन्दा बस्ती स्थानान्तरणकै पर्खाइमा रहल बटै । गत सावन २८ गते बिच्छ्याखोलुवामा आइल बारहपहिरो सिंढे घरभिट्टर पैठलपाछे बिच्छ्यावासीकै उठिबास हुइल रहे ।

बारहकै कारण अब्बे यहाँकै दर्जनसे ढेर घर, स्वास्थ्य चौकी, वडा कार्यालय ओ बिच्छ्या माविलगायतकै भौतिक पूर्वाधारमा ढेर क्षति हुइल बा । बारहसे यहाँकै पूरै बस्तीहो क्षति पुगाइलपाछे अब्बे यहाँकै सक्नु बस्तीहो समेत स्थानान्तरण करे पना अवस्था आइल हिमाली गाउँपालिकाकै बिच्छ्याकै सब्ब थापा

बटैलै । उहाँ कहलै, “कुछ घर भट्कल बावै कलेसे अन्य घर फेन जोखिम अवस्थामा बावै । ओहेमारे इहे ठाउँमा हप्ते फेनसे बसोबास करेबर बारह आइ कि कहिके फेनसे डर लगना करल बा ।”

ओहेमारे यी बस्तीहो नै अन्य ठाउँमा स्थानान्तरण कैना अति आवश्यक बा । अब्बेसम बस्ती कहौरो स्थानान्तरण हुइ सेकल नैहो । यकर लाग स्थानीय प्रदेश ओ संघीय सरकारहो समेत माग करल थापा बटैलै ।

बस्ती समयमा स्थानान्तरण करे नैसेकल ओरसे अब्बे यहाँकै स्थानीय ओस्टहे जोखिम बस्तीमा बसोबास कैटी आइल

बटै । उहाँहुके बर्खाकै समय अन्य सुरक्षित ठाउँमा त्रिपालमा बसोबास करल रलेसे फेन हिउँदमा भर ओस्टहे जोखिम बस्तीमा आके बसोबास करे लागल हुइटि ।

बारहसे मानवीय क्षति नैहुइलेसे फेन बिच्छ्यामा घर, विद्यालय, स्वास्थ्य संस्था ओ वडा कार्यालयकै भवनलगायतकै भौतिक पूर्वाधारमा अरबौकै क्षति करल हिमाली गाउँपालिकाकै अध्यक्ष गोविन्दबहादुर मल्ल बटैलै । उहाँ कहलै, “बर्खाकै समय यहाँकै स्थानीयकै ढेरकै उठिबास हुइल । उ बेला हप्ते ओइनहे खाद्यान्न, कपडा, त्रिपालकै व्यवस्था करल रही । जे होस, उहाँहुके उ बेला प्राप्त करल राहतसे बर्खामा कुछ सहज हुइल रहे ।”

“अब्बे हिउँदकै महिना सुरु हुइल । यहाँ वैशाख जेठमा नै जुरार हुइना ठाउँ हो । हिउँदमा टे आउर जुरार रह्ठ । ओहेमारे यहाँ यी बारहपहिरोपीडितहो अन्य सुरक्षित स्थानमा स्थानान्तरणकै लाग सम्बन्धित निकायमा माग करल मने अब्बेसम कुछ खबर आइल नैहो,” अध्यक्ष मल्ल कहलै । हिमाली गाउँपालिकासे डेहल बस्ती स्थानान्तरणकै पत्र अनुसार राष्ट्रिय विपत्त जोखिम न्यूनीकरण तथा व्यवस्थापन प्राधिकरणमा पठासेकल बटैटी प्रमुख जिल्ला अधिकारी गणेशप्रसाद पौडेल विज्ञ टोली आके उ बस्तीहो कहाँ ओ कैसिक सनां तथा जग्गाजमिनबारे अध्ययन कैके बस्ती स्थानान्तरण कैना बटैलै ।

निर्वाचनमा नैतिक...

विगतमा दल वा उम्मेदवारसे करना प्रचारप्रसार भावनात्मक ओ व्यक्तिगतस्तरमा हुइना करल ओरसे आबके निर्वाचनमा घोषणापत्रमा आधारित प्रचारप्रसार हुइपरना आवश्यकता बा । यिनिसे विचार, नीति ओ योजनामा आधारित प्रतिस्पर्धा बहाइठ । यी मेरिक कार्यसे दलप्रतिकै जनविश्वास पुनर्स्थापित होके लोकतन्त्रमा पारदर्शिता, उत्तरदायित्व ओ नीतिमा-आधारित प्रतिस्पर्धा सुनिश्चित करना मद्दत पुगल बा ।

राजनीतिक दल तथा उम्मेदवारसे निर्वाचन आचारसंहिता उल्लंघन करलमा वा निर्वाचनमा नैतिक प्रतिस्पर्धा विपरीतकै गतिविधि करल निर्वाचन आयोगसे निर्वाचन आयोग ऐन, २०७३ दफा २३ बमोजिम एक लाख रुपियांसम जरिवाना करना वा उम्मेदवारी रद्द करे सेक्ना समेतकै व्यवस्था बा । निर्वाचन कसुर मानल कार्यकै हकमा निर्वाचन (कसुर तथा सजाय) ऐन, २०७३ बमोजिम समेत कारवाही हुइना प्रावधान बा ।

राजनीतिक दल वा उम्मेदवारसे निर्वाचन प्रचारप्रसार अभियानमा निर्वाचन आचारसंहितासे निषेध करल कामकारवाही करना वा कराइक लाग कौनो मेरिक आर्थिक सहयोग लेना वा कामकारवाहीकै लाग खर्च करना वा करैना करल ओइसिन कार्य करना राजनीतिक दल वा उम्मेदवारहो आयोगसे निर्वाचन (कसुर तथा सजाय) ऐन, २०७३ के दफा ३० बमोजिम ओइसिक करल आम्दानी वा खर्च बराबरकै रकम जरिवाना करे सेक्ना ओ ओइसिक हुइल जरिवाना छ महिनासम नैबभौना उम्मेदवारहो आयोगसे तत्काल लागु हुइना मेरिक ढेरमा बा, वर्षसम कौनो फेन निर्वाचनमा उम्मेदवार हुइना अयोग्य घोषित करे सेक्ना व्यवस्था बा । आगामी निर्वाचनहो स्वच्छ, निष्पक्ष, मर्यादित एवं नैतिक प्रतिस्पर्धी बनैना दल, उम्मेदवार, मतदाता तथा निर्वाचन सरोकारवाला सब पक्षकै दृढ इच्छाशक्ति ओ साथकै सहयोगकै आवश्यकता अपरिहार्य बा ।

साभार: गोरखापत्र दैनिकसे

सुदूरपश्चिम प्रदेशको अत्याधुनिक सुविधा सम्पन्न हस्पिटल

निसर्ग हस्पिटल

एण्ड रिसर्च सेन्टर प्रा.लि.

Advanced Healthcare for all...

विशेषज्ञ डाक्टर तथा ओ.पि.डी सेवाहरू

जनरल फिजिशियन (पेट,क्षत्री,मुटु रोग विशेषज्ञ)	रेडियोलोजी विशेषज्ञ	न्युरो, मस्तिष्क, नसा तथा मेरुदण्ड रोग विशेषज्ञ	हाडजोर्नी तथा स्पोर्ट्स फिजियोथेरापिस्ट
हाडजोर्नी तथा नसारा रोग विशेषज्ञ	जनरल तथा ल्याप्रोस्कोपिक सर्जन	स्त्री तथा प्रसूति रोग विशेषज्ञ	नवजात शिशु तथा बालरोग विशेषज्ञ
नाक, कान, घाँटी तथा थाइरोइड रोग विशेषज्ञ	एनेस्थेसिया तथा क्रिटिकल केयर विशेषज्ञ	मुख, अनुहार तथा वड्डारा रोग विशेषज्ञ	मानसिक तथा नशा रोग विशेषज्ञ
छाला, यौन, कुष्ठरोग तथा सौन्दर्य विशेषज्ञ	मृगौला तथा मुत्ररोग विशेषज्ञ	मुटु रोग विशेषज्ञ	

Hasanpur, Dhangadhi-5, Kailali, Nepal

091-527000/01/02, 9865680100, 9804600745

www.nisargahospitalnepal.com / nisargahospitalnepal

नेपालमे कार्बन उत्सर्जन न्यून

पहुरा समाचारदाता

धनगढी, १ अगहन । कार्बन उत्सर्जन न्यूनीकरणमे खेलल् भूमिकाबापत नेपालसे पैना लाभांशहे न्यायोचित रूपमे तल्लो तहसम पुगाइ पर्नामे सरोकारवाला जोड डेले बटै ।

नेपालके रेडप्लसअन्तर्गत उत्सर्जन न्यूनीकरणसम्बन्धी धनगढीमे आयोजित दुईदिने कार्यशालामे वनजंगल बचाके उत्सर्जन न्यूनीकरणमे पहिल भूमिका आदिवासी जनजाति एवम् सीमान्तकृत समुदायसे खेलल् प्राप्त हुइना लाभांश फेन आदिवासी ओ सीमान्तकृतहे न्यायोचित ढंगसे बाँडफाँट करे पर्ना बटैलै ।

डेडिकेटेड ग्राण्ट मेकानिजम (डिजिएम) नेपाल, ग्रामीण पुनःस्थापना नेपालके आयोजनामे हुइल कार्यशालामे वनविज्ञ रुपेश कालाखेती कार्बन उत्सर्जनके कारण वातावरणमे परल नकारात्मक असरबारे प्रकाश परटी नेपालसे कार्बन उत्सर्जनमे न्यून योगदान डेलेसे फेन क्षति ढेर व्यहोरे परल बटैलै । उहाँ कहलै, “नेपालसे कार्बन उत्सर्जनके



कारण क्षति ढेर व्यहोरेटी रहल ओरसे क्षतिपूर्तिबापतके रकम प्राप्त हुइ लागल बा, विश्व बैंकसे दुई दिनआघे किल पहिल किस्ताबापत नेपालहे रु. एक अर्ब ३२ करोड लाभांश रकम उपलब्ध करासेकल बा ।”

नेपाल आदिवासी जनजाति पत्रकार महासङ्घ (फोनिज)के अध्यक्ष लक्की चौधरी वन बचैनामे ढेर भूमिका खेटी आइल आदिवासी जनजाति ओ सीमान्तकृत वर्ग आभिन फेन जल, जंगल, जमिनसँग अपेक्षकृत रूपमे फाइदा लेहे

नैसेकल बटैलै ।

उक्त रकमसे बन्वाके विकास कैटी विनाश एवं क्षयीकरणमे कमी लानक लाग दिगो वन व्यवस्थापनमार्फत उत्सर्जनमे कटौती कैना टमान कार्यक्रम करे लागल जनाइल बा । रेडप्लस कार्यक्रममे लाभके बाँडफाँट कहलेसे वन क्षेत्रसे कार्बन उत्सर्जन घटैना कार्यमे प्राप्त हुइल मौद्रिक ओ गैरमौद्रिक फाइदाहे ओकर लाग योगदान कैना सम्बन्धित सरोकारवालाबिच न्यायपूर्ण रूपमे वितरण कैना प्रक्रियाहे जनाइठ ।

ठेक्का डेहल रहे ।

डोसरचो म्याद थप करल उक्त पुलके भौतिक प्रगति ५५ प्रतिशत किल हुइल बा । यी पुलके पिलर डर्ना काम सम्पन्न हुइल इन्जिनियर चन्दके कहाइ रहल बा । उक्त पुलके लाग चालु आर्थिक बरसमे एक करोड बजेट विनियोजन हुइल योजना कार्यालय जतैल बा । उहाँ कहलै, “डुनु पुलके उप्पर स्ल्याब डर्ना काम सुरु करल बा । बजेट व्यवस्थापन हुइ सेकलेसे इहे आर्थिक बरसमे पुल निर्माणके काम सम्पन्न करे सेकजैना अवस्था बा । आयोजना कार्यालयके अनुसार गोदावरी नगरपालिका-५ स्थित सुनी खोलुवाके पुलके तीन करोड ५० लाखमे सम्भौता हुइलमे निर्माण कार्य सम्पन्न होके गत असार मसान्तसे पुल सञ्चालनमे आइल बा ।

बजेट अभावसे पुल निर्माणमे ढिलाइ

पहुरा समाचारदाता

धनगढी, १ अगहन । धनगढी मोहनापुल ६ लेन सडकमे निर्माणाधीन दुई पुल निर्माणके काम गति लेहे सेकल नैहो ।

उ सडकखण्ड अन्तर्गत पर्ना त्रिनगर भन्सारके मोहना ओ गोदावरी नगरपालिका-५ स्थित मनहरा खोलुवाके पुल बजेट अभावके कारण ढिलाइ हुइल हो । विसं २०७८ से निर्माण सुरु करल पुल सुरुमे निर्माण कम्पनीसे ढिला करेबर ओ पाछेकचो आवश्यकतासे कम बजेट विनियोजन हुइबर निर्माण कार्य सुस्त गतिमे आघे बहटी रहल महाकाली पुल आयोजना कार्यालयके इन्जिनियर सन्तोष चन्द बटैलै ।

त्रिनगर भन्सार नाका पर्ना मोहना लडियामे पुल निर्माणके लाग विसं २०७८ माघमे राइमाफर्नी कन्ट्रक्सनसँग २०८०

जेठसम निर्माण सम्पन्न कैना मेरके रु १३ करोड ३६ लाखमे सम्भौता हुइल उहाँ जानकारी डेलै । डोसरचो म्याद थप करल उ पुलके भौतिक प्रगति ५० प्रतिशत ओ पुल निर्माणमे हालसम रु नौ करोड भुक्तानी हुइल आयोजना कार्यालय जतैल बा । डोसरचो थपल म्याद २०८२ चैत २८ गतेसम रहल बा ।

मोहना पुलके लाग चालु आर्थिक बरसमे एक करोड ५० लाख बजेट विनियोजन हुइल बटैटी इन्जिनियर चन्द बजेट रलेसे इहे आर्थिक बरसमे निर्माण सम्पन्न करे सेकजैना जानकारी डेलै । गोदावरी नगरपालिका-५ स्थित मनहरा खोलुवाके पुल निर्माणके लाग २०७८ माघमे उच्चाकोटी-शनिदेव-साजेन्द्रहे आठ करोड ५० लाखमे दुई बरसमे काम सेक्ना मेरके

जेनजी आन्दोलनसे करिब ७८ अर्बके क्षति, निजी क्षेत्रके ३६ अर्ब

काठमाडौं, १ अगहन । गैल भदौ २४ के जेनजी आन्दोलनके क्रममे देशभर हुइल तोडफोड ओ आगजनीसे ढेर सरकारी ओ निजी सम्पत्तिमे क्षति पुगल बा । राष्ट्रिय योजना आयोगके अगुवाईमे सरकारसे संकलन करल क्षतिके विवरण अनुसार सरकारी संरचनामे ढेर क्षति पुगल बा ।

आन्दोलनके क्रममे उ दिन देशभरके सरकारी कार्यालय, भारी सुपर स्टोरसे छोट पसलसम आगजनी, तोडफोड, लुटपाट ओ चोरी हुइल रहे । उ घटनासे भारी आर्थिक नोक्सानी पुगाइल बा । सरकारसे अध्ययन करल क्षतिके विवरण अनुसार देशभरके ५५ जिल्लामे करिब दुई हजार ९०० भवन क्षतिग्रस्त हुइल बटै । उ मध्ये ४९९ निजी क्षेत्रके

रहल बटै । राष्ट्रिय कर दिवसके अवसरमे आयोजित कार्यक्रममे बोल्टी अर्थमन्त्री रामेश्वरप्रसाद खनालसे भर्खरके आन्दोलनसे करिब ७८ अर्ब बराबरके भौतिक संरचना क्षति हुइल प्रारम्भिक विवरण आइल बटैलै ।

उहाँ सरकारी अध्ययन टोली देशभर पुगल क्षतिके मूल्यांकन अनुसार कुल करिब ७८ अर्ब रुपैयाँ डेखल ओ जेम्मे निजी क्षेत्रके केल्ह ३६ अर्ब रुपैयाँ बराबरके क्षति हुइल विवरण प्राप्त हुइल जानकारी डेलै ।

उहाँ जेनजी आन्दोलनके क्रममे हुइल क्षतिके विवरण पुनः निर्माणके लाग सरकारसे चालु आर्थिक वर्षके बजेटसे एक खर्ब २० अर्ब बराबरके स्रोत जुटाइल जतैटी उ रकम पुनः निर्माणके लाग

पर्याप्त हुइना विश्वास व्यक्त करलै । उहाँ सरकारसे आकलन करल क्षतिसे कम क्षति हुइल कहटी तत्काल पुनःनिर्माणमे लग्न बटैलै ।

उहाँ करिब एक वर्षभितरमे सक्कु पुनःनिर्माणके काम सेक्ना तयारी रहल बटैलै । अर्थमन्त्री खनालसे बिमा दावी भुक्तानीहे सहज बनेना ओ तत्काल राहतके लाग ५० प्रतिशतसम अग्रिम भुक्तानी डेना व्यवस्था मिलाइल जानकारी डेलै ।

अर्थमन्त्री खनाल निजी क्षेत्रके सुरक्षा सुनिश्चित कैना दायित्व सरकारके पहिल प्राथमिकता रहल बटैलै । उहाँ कहलै, ‘सरकारसे सुरक्षाके पूर्ण प्रत्याभूति करठ । सुशासन, भ्रष्टाचार नियन्त्रण ओ नागरिकहे सम्मानपूर्वक बँच वातावरण सिर्जना कैना अपनमे सुरक्षा हो ।’

धनगढीमे फुटसल प्रतियोगिता हुइना



पहुरा समाचारदाता

धनगढी, १ अगहन । शहिद गौरव जोशी स्मृति निसर्ग स्टार सिटी कप फुटसल प्रतियोगिता २०८२ हुइना हुइल बा ।

स्टार सिटी युवा क्लबके आयोजनामे इहे अगहन १० ओ ११ गते धनगढीके फ्ल्याट न्याण्डमे प्रतियोगिता हुइना जनाइल बा । प्रतियोगिता बारे धनगढीमे सोम्मारके रोज पत्रकार मार्फत जानकारी कराइल हो । स्टार सिटी युवा क्लबके अध्यक्ष नरेन्द्र शाह खास कैके शहिद गौरव जोशीके सम्भना ओ युवानहे लागु पदार्थ दुर्व्यसनीसे बचाइक लाग फुटसल प्रतियोगिता आयोजना करे जैटी रहल जानकारी डेलै ।

उहाँ प्रतियोगितामे विजेताहे नगद रु. एकलाख रुपिया पुरस्कारके व्यवस्था

ओ उपविजेताहे नगद रु. पचास हजार पुरस्कारके व्यवस्था रहल जानकारी डेलै । बडा स्तरीय फुटसल प्रतियोगिताके लाग इन्ट्री शुल्क पाँच हजार पाँचसय रहल समेत अध्यक्ष शाह जानकारी डेलै ।

प्रतियोगिताके मुख्य प्रायोजकमे निसर्ग हस्पिटल एण्ड रिसर्च सेन्टर रहल बा कलेसे प्रवर्द्धकमे धनगढी उपमहानगरपालिका वडा नम्बर ५ के वडा कार्यालय रहल बा ।

पत्रकार सम्मेलनमे शहिद गौरव जोशीके बाबा बासुदेव जोशी, निसर्ग हस्पिटल एण्ड रिसर्च सेन्टर प्रालिके अध्यक्ष तीर्थराज पन्त, धनगढी उपमहानगरपालिका वडा नम्बर ५ के वडा अध्यक्ष गजेन्द्र शाही लगायत रहल रहिठ ।

हत्या अभियोगमे एक जे पक्राउ

पहुरा समाचारदाता

बाङ, १ अगहन । अपने गोसिनीय २५ वर्षीया सिता सुनारके हत्या करल अभियोगमे घोराली उपमहानगरपालिका-१८ गिठेपानीस्थित पुस्तक पसल करके बैठना रोल्पा परिवर्तन गाउँपालिका-१ घर हुइल २३ वर्षीय सन्जु सुनारहे प्रहरी

पक्राउ परइयामे लालभाडी गाउँपालिका-२ बागबाणी बैठना २२ वर्षीय दिपेन्द्र राना ओ २८ वर्षीय सुरेश राना रहल बटै ।

दिपेन्द्र ओ सुरेश उ महिलाहे जबरजस्ती करणी करल कना उजुरीके आधारमे इलाका प्रहरी कार्यालय बेल्चौरीसे खटल प्रहरी ओइनहे पक्राउ करल हो । यी सम्बन्धमे प्रहरी आवश्यक अनुसन्धान करटी रहल बा ।

पक्राउ करले बा ।

सन्जुसे सिताहे सामान्य विवादके कारण हत्या करल कहिके वडा प्रहरी कार्यालय घोरालीमे जानकारी करैटी की प्रहरीसे उहाँहे पक्राउ करल हो । यी सम्बन्धमे प्रहरी आवश्यक अनुसन्धान करटी रहल बा ।

सञ्चार क्षेत्र...

नैरखा कना धारल मने, उ कार्यान्वयन हुई नैसेक्ना दुर्भाग्य रहल मुख्यमन्त्री शाहके कहाई रहे । ‘संस्थागत संरचनागत रूपमे

सुधार करे परठ मुख्यमन्त्री ओ कर्मचारीके टेबलमे आइल फायल सम्बोधन हुई परठ,’ मुख्यमन्त्री शाह कहलै, ‘विकासके पाटोमे अवरोधके ढेर विषय बटै, यम्मे सामूहिक आवाज उठ्न जरुरी बा ।’

सुवर्ण अवसर ! सुवर्ण अवसर !! सुवर्ण अवसर !!!

कैलाली अस्पताल प्रा.लि

Provide Health Related Services

सेवाहरु:

- ✓ मधुमेह(सुगर)
- ✓ थाइराइड रोग
- ✓ पेट,मुटु तथा छातिरोग
- ✓ कलेजो रोग
- ✓ TB, हेपाटाइटिस रोग
- ✓ ब्लडप्रेसर तथा हृदयरोग
- ✓ मोटोपना

डा. अकाश राउत

MBBS, MD (TU), Internal Medicine
Senior Consultant Physician
NMC NO. 20304

➤ आउने समय : प्रत्येक दिन (२४सै घण्टा)

डाक्टर आउने समय : प्रत्येक दिन, आकस्मिक सेवा (चिकित्सक) २४ घण्टा

हावा सेवाहरु : १) २४ घण्टा ईमर्जेन्सी सेवा, फार्मसी सेवा, अत्याधुनिक प्याथोलोजी, रंगीन इण्डोस्कोपी, डिजिटल एक्सरे, रंगीन भिडियो एक्सरे, अत्याधुनिक अप्रेसन थियटरबाट सेवा, वातानुकुलीन एम्बुलेन्स, वातानुकुलीन क्याबिन । २) स्त्री रोग तथा प्रसूती सम्बन्धी सेवा (बॉन्डोपन, सेतोपानी बग्ने, तल्लो पेट दुख्ने, महिनावारी गडबडी, पाठेघर खस्ने, पाठेघरको अप्रेशन, गर्भवती तथा सुत्केरी सेवा) । ३) ल्याप्रोस्कोपी तथा जनरल सर्जरी (हाइड्रोसिल, हर्निया, पायल्स, फिस्टुला, स्तनमा गाँठगुठी आउने, शरिरका विभिन्न भागमा गाँठगुठी, घाउ खटिरा, पत्थरी, किडनीको पत्थरी, प्रोस्टेटको अपरेशन तथा पित्तथैलीको पत्थरी अप्रेशन) । ४) हाड(जोर्नी तथा नशा सम्बन्धी सेवा (हाटखुट्टा बाङ्गो, फ्याक्चर, हाडजोर्नीको दुखाई, कम्मर दुख्ने तथा अत्याधुनिक मेथिनबाट हड्डीको अप्रेशन)छाती, मुटु, कलेजो तथा पेट सम्बन्धी सेवा । ५) यौनरोग, कपाल तथा छाला रोग सम्बन्धी सेवा । ६) मानसिक तथा मनोरोग सेवा । ७) नाक, कान, घाँटी रोग सम्बन्धी सेवा । ८) सुर्छा पर्नु, टाउको दुख्ने जस्ता समस्याहरु, प्यारालाइसिस हातखुट्टा नचल्ने सम्बन्धी सेवा । ९) न्यूरो (नशा रोग) लागुपदार्थ दुर्व्यसनी, कुलत सम्बन्धी, हाटखुट्टा भ्रमभ्रमाउने, छारे रोग । १०) आगोले पोलेको हातखुट्टा बाङ्गिएको र खुँडेको अप्रेशन आदि सेवा ।



कैलाली अस्पताल प्रा.लि

जिल्ला प्रशासन कार्यालय अगाडि, पशुपति टोल, धनगढी, कैलाली

फोन नं. ०९१-५२४५५५, ५२४६४४, ५२९७४९

ग्राहक वर्गहरुमा खुशीको खबर !

हाम्रो यहाँ सबै कम्पनीका रि-कण्डिसन मोटरसाइकलहरु पाइनुका साथै मर्मत पनि गरिन्छ र सबै कम्पनीका हेलमेट र पार्टसहरु थोक तथा खुद्रा मूल्यमा पाइन्छ ।

कुनै पनि मोटरसाइकल नगद खरिद गरेमा आकर्षक उपहारको व्यवस्था रहेको जानकारी गराउँदछौं ।



संजय अटो सेल्स एण्ड रि-कण्डिसन

धनगढी-४, उत्तरबेहडी (चटकपुर शहिद गेट भन्दा दुईसय मिटर पूर्व)

फोन न. ०९१४१०१०५, सुजित मो. ९८५८४२३९१२, सुनिल मो. ९८६७७९३५२९, महेश मो. ९८१३१३१०२९